



P.I. INSTITUTE FOR PUBLIC  
HEALTH OF CANTON  
SARAJEVO

Broj: 1.04.- 2733/24  
Sarajevo, 15.04.2024. godine.

SKUPŠTINA KANTONA SARAJEVO  
N/r PREDSEDAVAJUĆI SKUPŠTINE  
Elvedin Okerić  
Zastupnica u Skupštini KS  
N/r Belma Kapo  
Ul. Mis Irbina broj 1

1519  
Bosna i Hercegovina  
Federacija Bosne i Hercegovine  
KANTON SARAJEVO

PRIMLJENO: 17-04-2024			
Organizaciona jedinica	Klasifikacija	Broj	Broj izdoga
01	04	5869	149

**PREDMET:** Odgovor, Zastupničko pitanje\_Belma Kapo\_Broj:01-04-5869-51/24

Dostavljamo Vam informaciju u prilogu ovog dokumenta, o procentu/obuhvatu vakcinacije djece za 2023. godinu za Kanton Sarajevo.

Vežano za drugi dio zastupničkog pitanja u kojem navodite da su Vam se obratili učenici Druge gimnazije Sarajevo u sklopu projekta „Građanin“ te da su odabrali temu „Vakcinacija djece u Kantonu Sarajevo“ obavještavamo Vas da su se isti učenici obratili i J.U. Zavod za javno zdravstvo KS putem e-maila skoro svim specijalistima epidemiologije u februaru 2024. godine povodom ove tematike, a obratili su se i Ministarstvu zdravstva KS. Nakon prispjelog e-maila Prim dr Anisa Bajramović, specijalista epidemiologije je primila u svojoj radnoj kancelariji dvije učenice iz njihove odabrane radne grupe, Eminu Dautović i Umu Pecar, kojima je dala upute i instrukcije za izradu Projekta, uputila na web stranice na kojima će naći svu zakonsku regulativu kojom je regulisana imunizacija na nivou Federacije BiH te dala isprintane linkove na kojima će pronaći materijal za izradu projekta:

<https://vaccine.ba/>,

<https://www.zzjzfbih.ba/imunizacija/>

<https://www.zzjzfbih.ba/zakonska-regulativa/>

<https://zzjzks.ba/epidemija-morbila-kanton-sarajevo-2024-godina/>

<https://zzjzks.ba/wp-content/uploads/2024/02/Bil1-0624.pdf/>.

Takođe su im dati odgovori na sve dodatne upite: na koji način funkcioniše vakcinacija u predškolskim i školskim dispanzerima, o obuhvatu imunizacije naročito o padu procenta imunizacije po vrstama vakcina u periodu COVID-19 pandemije i periodu nakon epidemije COVID-19 oboljenja u KS, o nedostatku zdravstvenog kadra u J.U. Dom zdravlja KS koji obavljaju imunizaciju, jer istu obavljaju samo u prvoj smjeni rada, o smanjenm obimu vakcinacije u periodu godišnjih odmora i bolovanja zdravstvenih radnika. Upoznali smo ih i sa činjenicom da se unazad nekoliko godina daju termini za vakcinaciju u predškolskim dispanzerima, što nije predviđeno Zakonom, već samo najraniji datum narednog termina i da postoje žalbe roditelja da ih uposlenici J.U.DZKS ponekad vrte s djetetom sa vakcinacije ako nemaju zakazani termin te da se termini daju za maksimalno 15 djece dnevno (raspon od 10-15 djece za čitav radni dan predškolskog dispanzera od 12 sati po lokalitetu DZ).

Napomenuli smo im takođe da se u skladu sa brojem novorođene djece u jednoj kalendarskoj godinu u KS (jedna kohorta za više vrsta vakcina koje dijete treba da dobije u toku godine) nije



Adresa: dr. Mustafe Pintola br.1, 71210 Ilidža  
Tel/fax: 627-889; 622-227  
web: <http://www.zzjzks.ba>  
e-mail: [gzavod@bih.net.ba](mailto:gzavod@bih.net.ba)



dovoljno naručiti 10-15 djece po jednom lokalitetu predškolskog dispanzera DZKS po jednom danu da bi obuhvat bio u skladu sa preporučenim te da iako je predviđena Naredbom o imunizaciji obaveza da zdravstveni radnici pozivaju roditelje/staratelje djece svakodnevno na imunizaciju, da se to uopšte ne praktikuje u Domu zdravlja, već se koristi samo momenat kada roditelj dovede samostalno dijete na vakcinaciju da mu se upiše naredni termin, te da su rijetki slučajevi da se roditelju koji je doveo bolesno dijete upiše termin vakcinacije za propuštene vakcine.

Tabela.1- Dnevni prosjek planiranih i datih doza vakcina dnevno po lokalitetu JUDZKS, 2023

Lokalitet J.U.Dom zdravlja KS/Predškolski dispanzer	Ukupno planirano doza vakcina za apliciranje u 2023.g	Ukupno planirano dnevno doza vakcina za apliciranje u 2023.g	Ukupno datih doza za prvih 10 mjeseci 2023.g	Ukupno datih doza dnevno za prvih 10 mjeseci 2023.g	Specijalista pedijatrije na lokalitetu
Stari Grad	4.540	17,1	1.798	8,2	2
Centar	6.680	25,3	2.357	10,7	5
Novo Sarajevo	5.085	19,3	2.777	12,6	3
Novi Grad	27.580	104,5	6.070	27,6	7
Ilidža	12.010	45,5	3.677	16,7	4
Hadžići	3.105	11,8	1.230	5,6	2
Vogošća	5.435	20,6	1.610	7,3	2
Ilijaš	2.685	10,1	1.305	5,9	2
Ukupno:	67.120	254,2	20.824	94,6	27

Dobili su na uvid i tabelu 1. u kojoj je prikazana analiza za 2023. godinu, koliko je bilo planirano prosječno doza dati po jednom danu, po lokalitetu predškolskih dispanzera J.U.DZKS (narandžastom) a koliko je stvarno dato prosječno doza po danu (zelenom). Takođe je iz tabele vidljiv broj pedijataru po jednom dispanzeru. Najsignifikantniji je DZ Novi Grad gdje se dnevno treba dati 105 doza vakcina djeci a aplicira se 27 na veći broj pedijataru. Ukazano im je da predškolske službe Doma zdravlja nemaju predstavu o tome koliko trebaju dati dnevno vakcina u odnosu na onoliko koliko apliciraju.

Na upit Ministarstva zdravstva, dr Ramić J., Prim dr Anisa je takođe odgovorila 23.02.2024. godine da je obavila sastanak sa učenicama gimnazije za potrebe projekta „Građanin“ te pružila svu podršku za izradu rada.

Prilog:

1. Obuhvat imunizacije – Godišnji izvještaj o provođenju obavezne imunizacije u KS za 2023. godinu (1 stranica)
2. Odgovor e-mailom- Učenica III razreda Druge gimnazije Ema Krdžalić se zahvaljuje na podršci koju im je pružila dr Anisa Bajramović u izradi projekta „Građanin“

S poštovanjem,

Izradila:

Prim dr Anisa Bajramović, spec.epidemiologije  
Rukovodilac RJ za epidemiologiju

Dostaviti:

- Naslovu;
- Arhivi RJ01



Zdravstvene ustanove KS: JU ZZJKS

Godišnji izvještaj o provođenju programa obavezne imunizacije - broj živorođene djece

**Godišnji izvještaj o provođenju programa obavezne imunizacije - period 01.01.-31.12.2023.**

Vrsta vakcine		Ciljna grupa/kohorta/ djece prema programu imunizacije			Djeca drugih dobnih skupina/ nevakcinisana prema programu imunizacije		
		Broj planiranih	Broj imuniziranih	%	Broj planiranih	Broj imuniziranih	%
		1	2	3	1	2	3
PRIMOVAKCINACIJA	BCG	4172	4062	97.36	85	32	37.65
	Hep B1	4172	4120	98.75	210	57	27.14
	Hep B2	4172	3577	85.74	880	223	25.34
	Hep B3	4172	2729	65.41	2845	834	29.31
	DTaP-IPV-Hib 1 / Pentaxim 1	4172	3314	79.43	1245	218	17.51
	DTaP-IPV-Hib 1 / Pentaxim 2	4172	2920	69.99	960	210	21.88
	DTaP-IPV-Hib 1 / Pentaxim 3	4172	2284	54.75	1160	253	21.81
	DTaP - IPV 1 / Tetraxim 1	0	0	0	1100	326	29.64
	DTaP - IPV 1 / Tetraxim 2	0	0	0	1125	450	40.00
	DTaP - IPV 1 / Tetraxim 3	0	0	0	1530	707	46.21
	DT 1	0	0	0	460	213	46.30
	DT 2	0	0	0	600	87	14.50
	DT 3	0	0	0	710	76	10.70
	IPV	0	0	0	300	92	30.67
	IPV	0	0	0	440	113	25.68
	IPV	0	0	0	810	149	18.40
	MMR	4750	1324	27.87	7945	1105	13.91
	HPV/GARDASIL1	525	497	94.67	0	0	0
	HPV/GARDASIL2	0	723	0	0	0	0
	HPV/GARDASIL3	0	2	0	0	0	0
	Euvax B adultis	0	290	0	0	0	0
	Euvax B adultis	0	250	0	0	0	0
	Euvax B adultis	0	103	0	0	0	0
Prevenar 0-5	0	92	0	0	25	0	
Prevenar 0-5	0	4	0	0	0	0	
Prevenar 0-5	0	0	0	0	0	0	
REVAKINACIJA	IPV	0	0	0	2765	951	34.39
	DTaP/IPV	4140	750	18.12	3630	500	13.77
	MMR	4590	1588	34.60	6185	1582	25.58
	DT pro adultis	4080	2713	66.50	1135	1026	90.40
	DTaP-IPV-Hib 1 / Pentaxim 1	4710	697	14.80	2805	69	2.46
	DTaP/IPV 2	2060	331	16.07	1200	22	1.83
	Prevenar 0-5	0	0	0	0	0	0

Datum: 17.01.2024.

Odgovorna osoba: Prim der Anisa Bajramović spec. epidemiologije



Subject **Projekat "Građanin"**  
From Ema Krdžalić <ema.krdzalic@2gimnazija.edu.ba>  
To <anisa.bajramovic@zzzjks.ba>  
Date 27.02.2024 09:35



Poštovana dr. Anisa Bajramović,

mi smo učenici Druge gimnazije Sarajevo i iz predmeta Građansko obrazovanje/Demokratija i ljudska prava u sklopu projekta „Građanin“ sprovodimo istraživanje na temu „Vakcinacija djece u Kantonu Sarajevo“. U cilju nam je ukazati na problem u našem društvu vezan za ovu temu (vakcinacija djece) i osvijestiti roditelje o važnosti imunizacije njihove djece. Obraćamo Vam se u nadi kako ćete nam pomoći u pomenutom istraživanju i što uspješnijem sprovođenju projekta.

Naša grupa opredijelila se za **Zakon o obaveznoj imunizaciji djeteta kao preduslov za upis u obrazovne ustanove/Zabranu pohađanja obrazovne ustanove bez ispunjenog vakcinalnog kartona** kao rješenje problema masovne nevakcinacije i sve većih opasnosti prouzrokovanih istom. Obraćamo Vam se ovim putem kako bismo Vas upitali da li biste nam mogli, ukoliko se slažete i podržavate navedeni prijedlog, poslati pismo podrške.

Naime, svi kojima smo se obratili uputili su nas Vama, budući da se bavite imunizacijom u Zavodu za javno zdravstvo KS i najviše ste povezani s temom kojom se bavimo. Stoga se Vama obraćamo s molbom da nam uputite pismo podrške.

Dvije kolegice, Uma Pecar i Emina Dautović, su Vas već posjetile i obavile intervju s Vama. Ovom prilikom Vam se na tome zahvaljujemo. Mnogo ste nam pomogli.

Unaprijed se zahvaljujemo na izdvojenom vremenu.

Učenici trećeg razreda Druge gimnazije Sarajevo (Amina Alihodžić, Emina Dautović, Mustafa Jamak, Nejra Karić, Ema Krdžalić, Uma Pecar, Farah Selimbegović, Lana Stanić, Merjema Zorlak i Orhan Žiga)



Broj:01-04-5869-51/24  
Sarajevo, 07.03.2024. godine

**ZAVOD ZA JAVNO ZDRAVSTVO KANTONA SARAJEVO**  
Mustafe Pintola 1, Ilidža

N/r Enisa Bajramović, spec. epidemiologije  
Rukovodilac RJ za epidemiologiju

**PREDMET:** Zastupničko pitanje, dostavlja se -

Zastupnica **Belma Kapo** na 14. radnoj sjednici Skupštine Kantona Sarajevo, održanoj dana 07.03.2024. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo postavila je **zastupničko pitanje** koje vam u prilogu dostavljamo.

Zastupnica je pitanje dostavila u pisanoj formi, te vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“, broj:41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka) odgovor, u pisanom obliku, uputite predsjedavajućem Skupštine Kantona Sarajevo kako bi isti dostavili zastupnicima u Skupštini.

**Prilog: Zastupničko pitanje**

Pripremila: Amela Smailagić-Čamdžić AS  
Kontrolisala: Aida Zeković




PREDsjedavajući  
SKUPŠTINE KANTONA SARAJEVO

kerić

CO:

- sekretar SKS
- sekretar Vlade





Klub SDP BiH Sarajevo  
Zasupnica Belma Kapo  
Sarajevo, 06.03.2024.

ZA:

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo  
n/r Predsjedavajućeg Skupštine Kantona Sarajevo

U skladu sa Poslovnikom Skupštine Kantona Sarajevo dostavljam:  
Zastupničko pitanje

Pitanje postavljam Zavodu za Javno zdravstvo Kantona Sarajevo  
n/r dr. Anisa Bajramović, specijalista epidemiologije  
Rukovodilac RJ za epidemiologiju

Molim da mi dostavite informaciju o procentu vakcinacije djece i mladih u cilju zaštite od zaraznih bolesti u toku 2023 godine.

Obrazloženje:

*Učenici Druge gimnazije Sarajevo u sklopu projekta „Građanin“ odabrali su temu „Vakcinacija djece u Kantonu Sarajevo“.  
Radnu grupu čine učenici Amina Alihodžić, Emina Dautović, Mustafa Jamak, Ema Krđžalić, Uma Pecar, Farah Selimbegović, Lana Stanić, Merjema Zorlak i Orhan Žiga.*

Učenici su mi se obratili putem mail-a kao zastupnici u cilju da daju svoj doprinos ka jačanju svijesti roditelja/staratelja o važnosti vakcinacije djece i mladih za cijelu društvenu zajednicu.

Obzirom da je zakonski vrlo teško urediti ovu oblast u smislu da preduslov upisa djece u vrtiće i škole bude obavezna imunizacija prvenstveno zbog Ustavnih odredbi BiH i prava djece na obrazovanje, odlučili smo se za drugu vrstu aktivnosti u ovom polju. Nakon što dobijemo podatke od Vaše ustanove pokrenuli bismo inicijativu ka Ministarstvu zdravstva Kantona Sarajevo i Zavodu za Javno zdravstvo Kantona Sarajevo da se obezbijede sredstva i materijali za pojačanu kampanju u cilju jačanja svijesti roditelja/staratelja za vakcinaciju djece vakcinama kod kojih je najmanji procenat vakcinisanih.

Takođe bi nam značila i informacija da li su u BiH u Kantonu Sarajevo dostupne iste vrste vakcina kao u drugim zemljama EU.

Poznat nam je podatak da je u prošlosti dolazilo do odbijanja roditelja da vakcinišu svoju djecu i zbog vrsta vakcina koje su bile dostupne u našim domovima zdravlja. Nerijetko su roditelji kupovali vakcine u privatnim apotekama u cilju da u jednoj vakcini dobiju zaštitu djece od više zaraznih bolesti.

Ukoliko smatrate da bismo mogli kroz neku drugu aktivost dati doprinos povećanju broja vakcinisane djece i mladih molimo da nam dostavite svoj prijedlog kao i odgovor na zastupničko pitanje na mail [belma.kapo@ks.gov.ba](mailto:belma.kapo@ks.gov.ba)

Hvala Vam unaprijed na odgovoru i želji da pomognete našoj radnoj grupi da damo svoj doprinos u cilju većeg broja vakcinisane djece i mladih.

S poštovanjem,  
Belma Kapo

